


## Qaasuitsup Kommunia isertitatigut siuariartorfiunerusoq

2012-mi nunap inui nunaqavissut 14-nit sinnerlugit utoqqaassusillit agguaqatigiissillugu 213.000 koruuninik isertitaqarsimapput, ukiumut siulianut naleq-qiuullugu 2,8 procentinik isertitat qaffariarsimapput. Qaasuitsup Kommunianni innuttaasut isertitatigut siuariarnermik annertunerpaamik nalaataqarput, tassa isertitat 3,7 procentinik annertuseriarsimagamik.

Titartagaq 1-mi ersersinneqarpoq Qeqqata Kommunia isertitatigut 3,4 procentinik annertuseriarfiusimasoq, massa Kommuneqarfik Sermersooq Kommune Kujallerlu isertitatigut qaffariarfiunerat 2 procentit tungaasimaaraat.

### Titartagaq 1. 2011-miit 2012-mut isertitat tamarmiusut agguaqatigiissillugu siuariartornerat



Najoqqutaq: Naatsorsueqqissaartarfiup kisitsisaasivia. <http://bank.stat.gl/INNP1>

Taama siuariarfiugaluortoq Qaasuitsup Kommunia nunami isertitat agguaqatigiissinnerat tunngavigalugu suli appasissumi inissisimasunut ilaavoq. Nuummi isertitat qaffasissusiat qutsissoq peqqutaalluni isertitat agguaqatigiissinnerat tunngavigalugu Kommuneqarfik Sermersooq kommuneqatiminut pingasunut sanilliullugu qaffasinnerungaatsiaqisumik inissisimavoq.

**Tabeli 1. 2012-mi inuit ataasiakkaat agguaqatigiissillugu isertitaat tamarmiusut (1.000 koruunit)**

	Isertitat tamarmiusut	Isertitat akileraa-rutaasussat	Isertitat akileraarutit peernerisigut
<b>Nuna tamakkerlugu</b> .....	<b>213</b>	<b>196</b>	<b>148</b>
Kommune Kujalleq .....	173	158	122
Kommuneqarfik Sermersooq .....	259	238	178
Qeqqata Kommunía .....	207	191	144
Qaasuitsup Kommunía .....	173	160	121

Najoqqutaq: Naatsorsueqqissaartarfiup kisitsisaasivia. <http://bank.stat.gl/INNP1>

Tabeli 2-p takutippaa isertitat immikkoortinneri. Naatsorsukkami malugineqarsinnaavortaaq, 2012-mi innuttaasut pingatsiutaannit amerlanerit akileraarutit piinnginneranni 100.000 koruunit ataallugit isertitaqartartut. Akileraarutit akilereernerisigut innuttaasut 45 procentii 100.000 koruunit inortut sinnerisarpaat, massa innuttaasut 2 procentii (inuit 780-t) akileraareernikkut milliunit affaat sinnerlugit isertitaqartut.

**Tabeli 2. 2012-mi inuit ataasiakkaat isertitaat immikkoortillugit**

	Isertitat tamarmiusut		Akileraareernikkut isertitat	
	Inuit amerlassusaat	Pct.i	Inuit amerlassusaat	Pct.i
100.000 kr. tungaannut	14.633	34,7	19.190	45,6
100.001 - 250.000 kr.	14.620	34,7	16.579	39,4
250.001 - 500.000 kr.	9.620	22,8	5.577	13,2
500.001 - 1.000.000 kr.	2.875	6,8	695	1,6
1.000.000 kr. sinnerlugit	378	0,9	85	0,2

Najoqqutaq: Naatsorsueqqissaartarfiup kisitsisaasivia. <http://bank.stat.gl/INNP6>

Qulaani naatsorsukkat 2012-mi inunnut nuna tamakkerlugu najugaqavissunut tunngasuupput, inuit pineqartut ukiup naanerani 14-it sinnerlugit utoqqaassuseqalereersimasuupput.

Taakku naatsorsukkat ilaannarsiukkatut saqqummersitamit ”**Isertitat 2012**” tigusaapput, Kalaallit Nunaanni Naatsorsueqqissaartarfiup maannarpiaq tamanut saqqummiuteqqammisaanit. Inuit ataasiakkaat isertitaasa saniatigut saqqummersitamit inoqutigiit isertitaat, akileraarutinit isertitat isertitallu immikkoortinnerisa naatsorsorneri saqqummiunneqarput.

Saqqummersitaq atuarneqarsinnaavoq imaluunniit pdf-filitut Kalaallit Nunaanni Naatsorsueqqissaartarfiup nittartagaa [www.stat.gl](http://www.stat.gl) iserfigalugu aaneqarsinnaavoq. Naatsorsueqqissaartarfiuttaaq kisitsisaasivia <http://bank.stat.gl> iserfigalugu isertitat pillugit nassuiaasiamit tabelinit aallertoqarsinnaalluni.

Paasissutissanik annertunerusunik kissaateqaruit Naatsorsueqqissaartarfiup pisortaa Anders Blaabjerg oqarasuaatikkut 36 23 72-ikkut saaffigisinnaavat immaluunniit Siunnersortsi Søren W. Børgesen e-mailkut [swbo@stat.gl](mailto:swbo@stat.gl) atorlugu saaffigisinnaallugu.